



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 20 DE SU 08/02/2023

OGETU: *DELIBERATZIONI DE IS INTRADAS DE S' ARTÌCULU 208 E ARTÌCULU 142 DE SU D.LGS. N. 285/92 - SANTZIONIS AMINISTRATIVAS A SU CÒDIXI DE SA STRADA - ANNU 2023/2024/2025*

S' annu 2023, su 08 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmini e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
No  
Eja  
Eja  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Biu** su D. Lgs. 30 de abrili 1992, n. 285 chi previdit sa partzidura de is intradas chi ndi benint de is sanzionis de su Còdixi de sa Strada e, pruschetotu, sa previsionis de ddas donai a is Regionis, provìntzias e Comunas, candu is violatzionis funt sanzionadas de funtzionàrius e agentis de custus entis etotu;

**Cunsideraus** is artìculus 208 e 142, corrieddas de su 12-*bis* a su 12-*quater*, D.Lgs. n. 285/1992;

**Ca**, cunforma a custas normas, su dinai chi ndi benit de is sanzionis amministrativas po violatzionis a su Còdixi de sa Strada depit essi partziu, cun deliberatzioni de Giunta comunali, aici comentis s'ghit:

Sanzioni ex art. 208 CdS (*sanzionis amministrativas po violatzionis a su CdS*) chi no podit essi prus pagu de su 50%, po su chi s'ghit:

a) po su 12,50% (cuota mìnima) a interventus de sostituzioni, de amodernamentu, de afortiamentu, de ponidura a norma e de mantenidura de is sinnalis stradalis;

b) po su 12,50% (cuota mìnima) a atividadis de compudu e atzertamentu de is violatzionis in matèria de circolatzioni stradali, finas po mèdiu de còmpora de veìculus, veturas e ainas;

c) po su 25% a is interventus afatantis:

– mantenidura de is stradas de proprietadi de s' enti;

– ponidura a norma, afortiamentu, modernizadura e mantenidura de is barrieras e sistematzioni stradas de proprietadi de s' enti;

– stèrrida de is pianus urbanus de su tràficu;

– interventus po sa seguresa stradali a favori e defensa de is impitadoris prus dèbilis (pipius, antzianus, disàbilis, pedonis e ciclistas);

– cursus didàticus de educatzioni stradali in is scolas de ònnia òrdini e gradu;

– formas de previdèntzia e assistèntzia complementari po su personali de sa politzia locali;

– interventus a favori de sa mobilitadi ciclística;

– assuntzioni de personali stagionali a progetu;

– finantziamentu de progetus de afortiamentu de is servìtzius de averiguamentu po sa seguresa urbana e stradali, de is servìtzius a de noti e de preventzioni de is violatzionis;

– còmpora de veturas e ainas po su servìtziu de politzia munitzipali;

Sanzioni ex art. 142 CdS (*violatzioni de is limitis massimus de velotzidadi apostivigaus de custu artìculu, po mèdiu de sistemas de rilevamentu de sa velotzidadi o cun s' imperu de dispositivus o de àterus strumentus tècnicus de rilevamentu a distàntzia*):

- 50% po s' enti meri de sa strada (francu is stradas in cuntzessionis)

- 50% destinadas de s'enti po is finalidadis chi s'ghint:

a) interventus de mantenidura e ponidura in seguresa de is infrastruturas stradalis, e finas is sinnalis, is barrieras e is impiantus;

b) afortiamentu de is atividadis de atzertamentu e finas de is gastus po su personali;

**Ca** s'art. 25 de sa lei n. 120/2010:

- in sa corriedda 2 previdit unu decretu atuativu po s' aprovatzioni de su modellu de relata consuntiva e de is modalidadis de versamentu de is proventus a s' enti chi est meri de sa strada;

---

- in sa corriedda 3 acrarat s' aplicatzioni de is dispositzionis de is c. 12-bis a 12-quater de s' artìculu 142 de su d.Lgs. n. 285/1992 a s' esercìtziu finantziàriu imbenienti a cussu de emanatzioni de su decretu etotu;

**Bidu** su D.M. Ministeru de is Infrastruturas e de is Trasportus 30 de idas 2019 cun "*Dispositzionis in matèria de destinatzioni de is proventus de is santzionis chi ndi benint de s' atzertamentu de is violatzioni de is limitis de velocidadi*";

**Ca** s'art. 1, c. 1, D.M. 30 de idas 2019 at stabiliu: "*(...) is entis localis trasmitint a su Ministeru de is infrastruturas e de is trasportus e a su Ministeru de s' internu, cunforma a is modalidadis indicadas in s' art. 2, in cabu de su 31 de maju de cada annu, una relata po su perìodu intre su 1 de gennàrgiu e su 31 de su mesi de idas de s' annu antetzedenti a su chi ant inditau is datus pertocantis a is proventus chi ddi spetant, cunforma a is artìculus 208, c. 1, e 142, c. 12-bis, de su decretu legislativu 30 de abrili 1992, n. 285*";

**Bida** sa tzirculari de su Ministeru de s' internu de su 24 de idas 2012, prot. n. 17909;

**Cunsiderau** s'artìculu 151 de su d.Lgs. n. 267/2000, chi at stabiliu su 31 de idas de s' esercìtziu antetzedenti che a tèrmini po s' aprovatzioni de su bilàntziu de previsionì;

**Bius** in prus:

- s'artìculu ùnicu de su D.M. Ministeru de s' Internu 13 de idas 2022 (publicau in G.U. su 19 de idas 2022, n. 295) chi trantzit a su 31 de martzu 2023 su tèrmini po sa deliberatzioni de su bilàntziu de previsionì 2023/2025 de is entis localis, autorizendi s' esercìtziu provisòriu fintzas a cussa data;

- s'art. 1, c. 775, L. 29 de idas 2022, n. 197: "*775. A manera desemprada e sceti po s'annu 2023, e po mori de sa crisi ucraina, is impitadoris localis podint aprovai su bilàntziu de previsionì cun s' aplicatzioni de sa cuota libera de s' avantzu, averiguau cun s' aprovatzioni de su rendicontu 2022. Duncas su tèrmini po s' aprovatzioni de su bilàntziu de previsionì po su 2023 est trantziu a su 30 de abrili 2023.*";

**Torrada sceda** de nci ponni in su bilàntziu de previsionì de s' esercìtziu 20.. is sumas chi serbint po nc' assegurai su vìnculu de destinatzioni de is proventus cunforma a is artìculus 142 e 208 de su d.Lgs. n. 285/1992;

**Cunsiderau** chi, cunforma a is sumas atzertadas a tìtulu de santzionis amministrativas po violatzioni a su Còdixi de sa Strada in is exercìtzius antetzedentis e a is inditus de su Responsàbili de su Servìtziu de Politzia Munitzipali, po s' exercìtziu 2023 si previdit de coberai sa suma de €280.000,00:

Intradas ex artìculu 208 CdS: €250.000,00

Intradas ex artìculu 142 CdS: €30.000,00

**Ca** asuba de custus proventus ndi benit acantonada una suma a tìtulu de fundu crèditus de esigibilidadi in duda cunforma a sa mèdia de is sumas chi no si funt coberadas in is cinqu annus antetzedentis, destinada a smenguai sa capatzidadi de gastu de s' entì, paris a su 35%, e chi po cussu is vìnculus de destinatzioni bolint calculaus asuba de is resursas a su netu;

**Arriciu** parri a favori de regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Politzia Munitzipali;

---

**Arriciu** parri a favori de regularidadi contàbili cunforma a s' art. 49, c. 1, de su D.Lgs. n. 267/2000 de parti de sa Responsàbili de su Setori Finantziàriu;

### **DELÌBERAT**

1) de determinai, po s' annu 2023, una previsionis de intrada de su chi ndi benit de is santzionis amministrativas po violatzionis a su Còdixi de sa Strada paris a èurus 280.000,00 de is calis:

Proventus ex artìculu 208 CdS: €.250.000,00

Proventus ex artìculu 142 CdS: €. 30.000,00

2) de donai atu chi s' acantonamentu a su fundu crèditus de esigibidadi in duda determinau cunforma a is printzìpius contàbilis ex d.Lgs. n. 118/2011 est de su 35%, e chi duncas is resursas funt: Intradadas ex artìculu 208 CdS: cuota a su netu de su FCDE €. 162.500,00

3) de donai atu chi s'acantonamentu a su fundu crèditus de esigibidadi in duda, determinau cunforma a is printzìpius contàbilis ex d.Lgs. n. 118/2011 est de su 50%, e chi duncas est de: Intradadas ex artìculu 142 CdS: cuota a su netu de su FCDE €. 15.000,00;

4) de destinai, cunforma a s' art. 208 de su d.Lgs. n. 285/1992, una cuota de su 50 % de is intradas de is santzionis amministrativas po violatzionis a su Còdixi de sa Strada pertocantis a su 2023, po una suma de èurus 81.250,00, po is finalidadis acraradas in su documentu in acàpiu a custa deliberatzioni etotu;

5) de destinai, cunforma a s' art. 142, c. 12-ter, de su d.Lgs. n. 285/1992, is intradas assentadas cunforma a su documentu in acàpiu a custa deliberatzioni etotu;

6) de assentai is previsionis de intrada e gastu in is capitulus de su schema de bilàntziu po s' annu fiscali 2023;

7) de imbiai in cabu de su 31 de maju 2023 a su Ministeru de is infrastruturas e a su Ministeru de s' internu, cunforma a s' art. 142, c. 12-quater, de su d.Lgs. n. 285/1992, sa relata asuba de sa destinatzioni de is intradas chi ndi benint de is santzionis amministrativas po violatzioni a su Còdixi de sa Strada de s' annu 2023 sceti in modalidadi telemàtica, imperendi sa prataforma informàtica posta a disponimentu de parti de su Ministeru de is Infrastruturas e de is trasportus, comentì inditau de s' art. 2, D.M. 30 de idas 2019;

8) de ponni in acàpiu a custa deliberatzioni etotu su bilàntziu finantziàriu de previsionis 2023-2025.

### **DELÌBERAT**

de decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000

---